





唐詩紀事卷第五十

封敖

鄭薰

王軒

宋雍

李摯

韋澳

段文昌

姚向

溫會

楊汝士

李敬伯

姚康

張正元

楊嗣復

炙轂子

楊厚

劉郇伯

王觀

陳上美

侯列

崔樞

陳彥博

郭良驥

崔敬

李景遜

唐球

封敖

敖為池州刺史題西隱寺云三年未到九華山終日披



圖一室間秋寺喜逢晴後賞靈峯看待足時還猿從有  
性留僧住雲靄無心伴客閑勝事儻能銷歲月已拚名  
利不相關

教字碩夫冀州人雅為李德裕所器武宗時詔慰邊將  
傷夷者曰傷居爾體痛在朕躬劉禎平德裕進太尉制  
曰言皆予同謀不他惑皆教為之終尚書右僕射才高  
而行少檢故不至宰相

鄭薰

贈肇疇詩序云九華處士肇疇擅玄言之要通易老其  
於淨名僧肇尤精達余在句溪時重其能車幣而致之

及到官舍再說易一說老氏將兒姪輩執卷列坐而傳  
之老氏畢業而寇難作與肇各散去不知其何如存耶  
亡耶余既休居洛師鎖扉獨靜已卯冬十一月半雪中  
有客扣柴門樵童視之走復曰肇處士遽下榻開門執  
手話艱苦輩背登笈草履杖靈壽下筮且咍笑曰聞公  
恬養澹逸不屑於榮悴故以玄來助成之升榻解笈散  
四書即易卷淨肇也明日講肇論階前多偃松高桂冰  
凍墮落有琴瑟金石聲理致明妙神骨超爽自謂一時  
之遇曰與故人為徒又意此樂之難偕也遂成二十韻  
贈之詩云密雪松桂寒書窓導餘清風撼冰玉碎階前



琴磬聲榻靜几硯潔帙散縑緗明高論展僧肇精言資  
筆生立意加玄虛析理分縱橫萬化悉在我一物安能  
驚江海何所動丘山常自平遲速不相閤後先徒起爭  
鏡照分妍醜秤稱分重輕顏容寧入鑑銖兩豈關衡蘊  
微道超忽剖證音泠泠紙上掣牢鍵舌端搖利兵圓澈  
保真性客塵排妄情在位即非住無行方是行疏越捨  
朱絃哇淫鄙纂箏淡薄貴無味羊斟慙大羹洪遠包乾  
坤幽窅潛沉冥罔煩跬步舉頓達萬里程廬遠尚莫曉  
隱留曾誤聽直須持妙說共詣毗邪城

薰字子溥為宣歙觀察使前不治薰以才力自將牙將

素驕共謀逐出之奔楊之後分司東都懿宗時為左丞  
薰端勁再知禮部引寒俊士類多遺老號所居為隱巖  
自號七松處士云

大中八年掌文誤以顏標為魯公之後以第一人處之  
士子嘲曰主司頭腦大冬烘錯認顏標為魯公鄭谷有  
故少師從翁隱巖別業亂後捺蕪感舊愴懷之作即薰  
也詩云風騷為士人風俗作清塵密行稱閨闈明誠動  
縉紳周旋居顯重內外掌絲綸妙主蓬壺籍忠為社稷  
臣大儀墻仞峻東轄紀綱新聞善嘗開口推公豈為身  
立朝鳴珮貴歸宅典衣貧半醉看花晚中食煮菜春晴



臺隨廡上幽野約僧隣理論知清越清越僧公甚稱之講生徒

得李頰藥香沾筆硯竹色染衣巾寄鶴眠雲叟騎驢入

室賓咸通年舉子乘馬張高跨驢迺於門下近將姚監比自姚監秘合主張風雅後孤卿

而已僻與段卿親故以成式與學辛勤葉積池邊路茶

遲雪後薪所難留著述誰不秉陶鈞喪亂多時變追思

事已陳浮華重發作雅正甚堙淪宗從今何在依棲素

有因七松無影響孤植松七本雙淚盈愁辛猶喜于

門秀年來屈併伸班即孤卿姪孫登進士科級也

王軒  
軒以為詩頗聞淇澳之篇遊西江泊舟亭蘿山下題西

施石曰嶺上千峯秀江邊細草春今逢浣沙石不見浣

沙人  
軒登大和進士第

宋雍

范攄云宋雍初無令譽及嬰瞽疾其詩名始彰盧員外

綸作擬僧之詩僧清江作七夕之詠劉隨州有眼作無

眼之句宋雍無眼作有眼之詩詩流以為四背或云四

倒然辭意悉為佳致盧公詩云願得遠公知姓字焚香

洗鉢過餘生清江詩曰唯愁更漏促離別在明朝劉隨

州曰細雨濕衣看不見閑花落地聽無聲雍詩曰黃鳥



不堪愁裏聽綠楊宜向雨中看

李摯

貞元十二年摯以宏詞振名與李行敏同姓同甲子同年登第俱二十五歲又同門摯嘗有詩曰因緣二紀異契分四般同

韋澳

字子斐以宏詞登科懿宗時為邠寧節度使坐事罷鎮以秘書監分司東都嘗戲吟曰莫將韋監同殷鑒錯認容身是保身此句聞於京師權倖尤怒之

段文昌

古栢文云是草木有異於草木則靈武侯祠前栢壽千齡盤根擁門勢如龍形含碧太空散霧虛庭合抱在於旁枝駢梢葉之青青百尋及於半身蓄風雷之冥冥攢柯垂陰分翠間明忽如虬螭向空爭行上承翔雲孤鸞時鳴下蔭芳苔凡草不生古色天風蒼蒼玲玲曾到靈山老栢縱橫亦有大者莫之與京於惟武侯佐蜀有程神其不昏表此為禎斯廟斯栢實播芳馨長慶二年六月題

文昌字墨卿有別業在廣都縣之南龍華山嘗杜門力學于此俗謂之段公讀書臺長慶初朝議文昌少在西



蜀諳詳利病詔授劔南節度使有邑人贈詩曰昔日騎  
驢學忍饑今朝忽着錦衣歸等閑畫虎驅紅旆可謂登  
龍入紫微富貴不由翁祖致文章生得羽毛飛廣都再  
去應惆悵猶有江邊舊釣磯

文昌還別業有尋龍華山寺廣宣上人詩云十里惟聞  
松桂風江山忽轉見龍宮正與休師方話舊風煙幾度  
入樓中郭震亦有題龍華山詩曰昔年曾到此山迴百  
鳥聲中酒一盃最好寺邊開眼處段文昌有讀書臺

古今詩話

文昌父鶚為江陵尉文昌長自渚宮客遊成都韋南康

與秦釋褐為賓從後劉闢逐佐外邑高崇文收蜀召復  
舊職指其椅曰此猶不足與君坐文昌遽請歸闕至興  
元西鵠鳴驛有僧倚巴山之隈有前識謂文昌曰去日  
既逢梅蘂綻來時應見杏花開至京屢升擢自相位拜  
劔南節度西至鵠鳴僧已物故杏花方盛  
文昌客荊州從事劔南帥幕其後相穆宗罷相鎮蜀再  
相文宗罷相帥荊南復鎮蜀大和九年卒  
文昌鎮蜀有題武偃寺西臺詩云秋天如鏡空樓閣盡  
玲瓏水暗餘霞外山明落照中鳥行看漸遠松韻聽難  
窮今日登臨意多歡語笑同



文昌晚宴登張儀樓呈院中諸公詩云重樓窻戶開四  
望歛煙埃遠岫林端出清波城下迴乍疑蟬韻促稍覺  
雪風來併起鄉關思銷憂在酒盃

姚向

和登武僖寺西臺詩云開閣錦城中餘閑訪梵宮九層  
連書景萬象寫秋空天半將身到江長與海通提攜出  
塵土曾是穆清風

向奉陪段相公晚宴登張儀樓詩云秦相架群材登臨  
契上台杳從銀漢落江自雪山來儼曲親流火凌風冷  
小孟帝鄉如在目欲下盡徘徊

向為節度判官時長慶二年也

溫會

登武僖寺西臺詩云桑臺煙樹中臺榭造雲空眺聽逢  
秋興篇辭變國風坐愁高鳥起笑指遠人同始媿才情  
薄躋攀離韻窮  
晚宴登張儀樓詩云危軒重疊開訪古尚徘徊有舌嗟  
秦策飛梁駕楚材雲霄隨鳳到物象為詩來欲和關山  
意巴歌調更哀

會以殿中侍御史為安撫判官

楊汝士



揚汝七時掌管記和西臺詩云清淨此道宮層臺復倚  
空偶時三伏外列席九霄中平視雲端路高臨閣外風  
自憐榮末席前日別池籠

又和張儀樓詩云從公城上來秋近絕纖埃樓古秦規  
在江分蜀望開遠山標宿雪末席太寒灰陪賞今為忝  
臨歡敢訴杯

李敬伯

登武僖寺西臺詩云臺上起涼風乘閑覽歲功自隨台  
席貴盡許羽觴同樓殿斜暉照江山極望通賦詩思共  
樂俱得詠時豐

晚夏登張儀樓詩云層屋架城隈賓筵此日開文風摧  
八陣星分應三台望雪煩襟釋當歡遠思來披雲霄漢  
近斲覺出塵埃

敬伯試大理評事為觀察幕官

姚康

晚夏登張儀樓詩云登覽值晴開詩從野思來蜀川新  
草木秦日舊樓臺池景搖中座山光接上台近秋宜晚  
景極目斷浮埃

登武僖寺西臺詩云松逕引清風登臺古寺中江平沙  
岸白日下錦川一踈樹山根淨深雲鳥跡窮自慚陪末



席便與九霄通

康試左武衛倉庫暴軍為觀察推官

康禮部試早春  
雪云微暖春潛至  
輕明雪尚殘  
銀鋪光漸濕  
珪破色仍寒  
無柳花常在  
非秋露正溥  
素光浮轉薄  
皎質駐應誰  
幸得依陰處  
偏宜帶月看  
玉塵銷欲盡  
窮巷起袁安

魚縱云水府乘明望  
圓波息躍魚  
從來暴泥久  
今日脫泉初得志  
寧相已無心  
任宛如龍門  
應可度鮫室  
豈常居掉尾  
方窮樂游鱗  
每自舒乘流  
千里去風力  
藉吹噓  
康字汝諧南仲孫也  
登元和十五年進士  
第大中時為

太子詹事開成時曾以賊敗

張正元

冬日可愛詩云  
寒日臨清晝  
遼天一望時  
未消埋徑雪  
先暖讀書帷  
屬思光難駐  
舒情影若遺  
晉臣曾比德  
謝客昔言詩  
散彩寧偏照  
流陰信不追  
餘輝如可就  
迴燭幸無私

東野聞夜啼贈張正元云  
寄泣須寄黃河泉  
此中怨聲流徹天  
愁人獨有夜燈見  
一紙鄉書淚滴穿  
正元登貞元五年進士第

楊嗣復



丁巳歲八月祠祭畢內題臨淮公舊碑詩云齊莊脩祀  
事旌旆出郊園雜草軒墀狹塗墻赭堊新謀猷期作聖  
風俗奉為神酌酒成坳澤持兵列偶人非才膺寵任異  
代挹芳塵况是平津客碑前淚滿巾楊汝士和云古栢  
森然地脩嚴蜀相祠一過榮異代三顧盛當時功德流  
何遠馨香薦未差敬名採國志飾像慰毗思昔謁徒征  
蓋今聞擁信旗固宜光寵下有淚刻前碑  
臨淮公武元衡也元和初元衡鎮蜀嗣復為節度推官  
後二十七年嗣復鎮蜀時太和九年也汝士為東川節  
度使故相鳴和汝士曾為蜀帥段文昌掌管也

炙轂子

牡丹詩云牡丹妖艷亂人心一國如狂不惜金曷若東  
園桃與李果成無語自成陰

松詩云寒松聳幹倚蒼岑綠葉分株自結陰丁固夢時  
還有意秦皇封日豈無心常將正節棲孤鶴不遣高枝  
宿衆禽好是特凋群木後護霜凌雪翠踰深

竹詩云庭竹踈森玉質寒色包葱碧盡琅玕翠筠不染  
湘娥淚班籜堪裁漢主冠成韻含風已蕭瑟媚漣凝綠  
更檀欒此君引鳳為龍日聳節稍雲直上看  
炙轂子王獻也元和後詩人



揚厚

早起云星漢轉寒更伊余索寞情鐘催歸夢斷鴈引遠  
愁生危壁蘭光暗踈簾露氣清閑庭聊一望海日未分  
明

厚貞元間詩人

劉郇伯

早行云鎮靜人猶寢天高月自涼一星深戍火殘月半  
橋霜客老愁塵下蟬寒怨路傍青山依舊色死是馬鄉

郇伯與范鄭郎中為詩友范曾得一句云歲盡天涯

久而莫屬郇伯曰何不曰人生分外愁范甚賞之出北  
夢瑣言

王觀

早行云雞唱催人起又生前去愁路明殘月在山露宿  
雲收村店煙火動漁家燈燭幽趨名與趨利行後幾時  
休

觀大曆貞元間人

陳上美

咸陽懷古云山連河水碧氛氲瑞氣東移擁聖君秦苑  
有花空笑日漢陵無主自侵雲古槐堤上鶯千轉遠渚



一唐詩集卷五十一  
沙中鷺一群  
賴與淵明同把菊  
煙郊四望夕陽曛  
上美登開成進士第

侯列

列金谷園懷古云金谷千年後春花發滿園紅芳從笑  
日穠艷尚迎軒雨濕輕光軟風搖碎影翻猶疑施錦帳  
堪嘆罷朱紱愁態鶯吟澁啼容露綴繁慙慙問前事桃  
李竟無言

列登元和六年進士

崔樞

賜耆老布帛云殊私及耆老聖德照黎元布帛忻天賜

生涯作主恩情均皆挾續禮異貴立園慶洽時方泰仁  
沾月告存寧知酬雨露空識荷乾坤擊壤將何幸徘徊  
望九門

裴均舉宏詞崔樞考之落第及均為宰相擢樞為禮部  
笑謂樞曰聊以報德終於秘書監

順宗時有詔曰古之所以教太子必茂選師傅以輔翼  
之法於訓詞而行其典禮左右前後罔非正人是以教  
諭而德成也給事中陸贄中書舍人崔樞積學懿文守  
經據古夙夜講習庶協于中並充皇太子侍讀

陳彥博



恩賜魏文正公諸孫舊第以導直臣云阿衡隨逝水池  
館主他人天意能疇德雲孫喜庇身生前由直道歿後  
振芳塵雨露新恩日芝蘭故里春勲庸流十代光彩映  
諸鄰共喜升平代從茲得諫臣

前定錄云彥博元和中與謝楚同為廣文生夢一官司  
列几案上有尺牘如金字者問之曰明年進士之名見  
其名在三十二從上二人皆李姓而無楚名明年果如  
夢二李即李顧行李仍叔也特元和五年明年楚於于  
尹躬下擢第

白居易為翰林學士奏云今日奉宣令撰李師道請赦  
贖魏徵宅還其子孫其合朕心允依來奏者臣伏以魏  
徵太宗宰相盡忠輔佐以致太平在其子孫合加優卹  
事關激勸合出朝廷師道何人輒掠此美願明勅有司  
特以官錢收贖使還後嗣以勸忠臣則事出皇恩美歸  
聖德憲宗深然之其後有司以為詩題試進士

郭良驥

自蘇州至望亭驛有作云南浦菰蒲遶白蘋東吳黎庶  
逐黃巾野棠自發空流水江鷺初歸不見人遠岫依依  
如送客平田渺渺獨傷春那堪回首長洲苑烽火年年  
報虜塵



觀詩所載疑李錡叛時事也

崔嘏

嘏字乾錫邢州刺史會劉禎反歸朝授考功郎中中書舍人李德裕之謫嘏草制不盡書其過貶端州刺史施肩吾與之同年不睦嘏舊失一目以珠代之施朝之曰二十九人及第五十七眼看花元和十五年也

李景遜

景遜字後已贈太尉澄孫也大中中進御史大夫威肅當為大夫三月蔣仲輔政宣宗盡書群臣名內器中禱憲宗神前射取之而景遜名不得乃見宰相自陳方深

當代即拜西川節度使景遜好獎寒士如李蔚楊知退所善蘇滌裴宜直

寄華州周侍郎立秋日奉詔祭嶽詩云關河豁靜晚雲開承詔秋祠太守來山霽蓮花添翠黛路陰桐葉少塵埃朱轡入廟威儀肅玉珮升壇步武回往歲今朝幾時事謝君非重我非才

自大中至咸通相白敏中次畢誠曹確使相羅邵權崔相植因戲曰可以歸矣近日中書皆蕃臣謂畢白曹羅皆蕃姓也始自蔣仲景遜在蜀聞報曰不能伏事斯人也遽託疾離鎮有詩曰成都十萬戶拋若一鴻毛

出此夢



唐球

球有詩名如臨池洗硯云恰似有龍深處卧被人驚起  
 黑雲生又有漸寒沙上鷺欲暖水邊村亦佳句也球居  
 蜀之味江山方外之士也為詩撚藁為圓納之大瓢中  
 後卧病投瓢於江曰斯文苟不沉沒得者方知吾苦心  
 爾至新渠有識者曰唐山人瓢也接得之十終二三  
 題鄭處士隱居云不信最清曠及來愁已空數點石泉  
 兩一溪霜葉風業在有山處道成無事中酌盡一樽酒  
 老夫顏亦紅

贈行如上入云不知名若利念佛老岷峨補衲雲千片  
 焚香篆一窠戀山人事少憐客道心多日日齋鐘罷高  
 懸瀨水羅

題青城范賢觀云數里緣山不厭難為尋真訣問黃冠  
 苔鋪翠點山橋滑松織香梢古道寒晝傍綠畦薺嫩玉  
 夜開紅竈然新丹孤鐘已斷泉聲在風動瑤花月滿壇  
 贈僧云曾聞半偈雪山中貝葉翻時理盡通般若常添  
 持戒力落叉誰笑念經功雲間曉月應難染海上虛舟  
 自信風長說滿庭花色好一枝紅是一枝紅詩見芳亭客說  
 球生於唐末至性純慤篤好雅道放曠踈逸邦人謂之



唐隱居或云王建帥蜀召為參謀不就今以其故居為隱居寺

北夢瑣言曰球詩思遊歷不出二百里

李洞贈唐山人云長鬚長我髮七十色如釐醉眼青天  
小吟情太華低千年松迳屋半夜雨連溪  
邛蜀路無限  
往來琴自携不知是球也

唐詩紀事卷第五十

唐詩紀事卷第五十一

白敏中

魏扶

馬植

崔鉉

殷克藩

沈亞之

裴夷直

楊敬之

房千里

厲元

喻鳧

楊衡

符載

王彥威

繁知一

楊洵美

白敏中

敏中字用晦武宗欲召居易德裕即薦敏中文類其兄  
有器識即日知制誥宣宗立德裕貶乃力詆之五年十  
三遷至門下侍郎咸通二年以太傅致仕卒  
至日上公獻壽酒云候曉天門闢朝天萬國同瑞雲昇



觀闕香氣映華宮日色臨仙籞龍顏對昊穹羽儀瞻百  
姓獻壽侍三公化被君王洽恩沾草木豐自欣朝玉座  
宴此詠皇風

敏中方為郎唯李德裕特以國器重之大中初邊鄙不  
寧吐蕃倔强宣宗決於致討延英先問宰臣敏中首奏  
興師遂為統帥宣宗初覽捷書云我知敏中必殄凶醜  
敏中凱旋與同列宰輔進詩敏中詩云一詔皇城四海  
頽醜戎無數束身還戎樓吹笛人休戰牧野嘶風馬自  
閑河水九盤收數曲天山千里鎖諸關西邊北塞今無  
事報東南夷與蠻魏扶詩云蕭關新復舊山川古戎

秦原景象鮮戎虜乞降歸惠化皇威漸被懾腥羶窮廬  
遠戍煙塵滅神武光揚竹帛傳左衽盡知歌帝澤從茲  
不更備三邊崔鉉詩云邊陲萬里注恩波宇宙群方洽  
凱歌右地名王爭解辦遠方戎壘盡投戈煙塵永息三  
秋戎瑞氣通清九折河共偶聖朝千載運更觀俗阜與  
時和

王起長慶中再主文柄意欲以第一人處敏中恨其與  
賀拔甚為友甚有文而落魄因密令親知述意俾與甚  
絕敏中欣然曰如所教既而甚造門左右給以敏中他  
適甚遲留不言而去俄頃敏中躍出見甚於是悉以實



告乃曰一第何門不致柰輕負至交相與歡醉或語於  
起起曰我比只得敏中今當更取甚矣遂以第一人處  
甚而敏中居三焉

杜牧云今皇帝一詔會賓不日功集河湟關郡次第歸  
降因獻詩云捷書皆應運謀期十萬曾無一鏃遺漢武  
慙誇朔方地宣王休道太原師威加塞外寒來早恩入  
河源凍合遲聽取滿城歌舞曲涼州聲韻喜參差牧又  
和敏中詩呈上三相云行看臘破好年光萬壽南山對  
未央黠戛可汗脩職貢文思天子復河湟應須日御西  
巡狩不做星孤北射狼吉甫裁詩歌盛業一篇江漢美

宣王牧又作河湟詩云元載相公曾借筋憲宗皇帝  
留神旋見衣冠就東市忽遺弓劍不西巡牧羊驅馬雖  
戎服白髮丹心盡漢臣唯有涼州歌舞曲流傳天下樂  
閒人

魏扶

扶登大和四年進士第大中初知禮闈入貢院題詩云  
梧桐葉落滿庭陰鎖閉朱門試院深曾是當年辛苦地  
不將今日負前心榜出無名子削為五言詩以譏之李  
義叟義山弟也是歲登第義山因上魏公詩曰國以斯  
文重公仍內署來風標森太華星象逼中台朝滿遷鶯



唐詩紀事卷五十一  
三  
信門多吐鳳才寧同魯司寇只鑄一顏回

馬植

敏中之捷植時為相和敏中詩云舜德堯仁化犬戎許  
提河隴欵皇風指揮貔武皆神筭恢拓乾坤是聖功四  
帥有征無汗馬十關雖戍已發弓天留此事還英主不  
在他年在大中

同華解軍利元和中令狐楚鎮三峯時及秋賦榜云特  
加試五場莫有至者唯盧洪正請試已試兩場而植不  
解植將家子從事竊咲曰此未可知已而試登山採玉  
賦略曰文豹且異於驪龍採斯踈矣白石又殊於瑛

剖莫得之公大伏其精遂奪解元後洪正自丞郎將判  
齏俄為植所據復以手扎戲植曰昔日華元已遭毒手  
今來齏務又中老拳植罷安南都護又除黔南殊不得  
意維舟峽中古寺前寺有長堤夜月明甚見白衣緩步  
堤上吟曰截竹為筒作笛吹鳳凰池上鳳凰飛勞君更  
向黔南去即是陶鑄萬類時邀問則失之矣後自黔南  
召入為大理遷刑部判益鉄拜相  
植字存之為李德裕所抑頗怨望宣宗立白敏中當國  
凡德裕所不善悉不次用之故植遂相

崔鉉



魏公鉉玄畧之子也為兒時隨父訪韓晉公滉滉指架上鷹令詠馬吟曰天邊心膽架頭身欲擬飛騰未有因萬里碧霄終一去不知誰是解條人滉曰此兒可謂前程萬里也寶曆三年登第又居廊廟三擁節旄宣宗嘗謂侍臣曰崔鉉真貴人裴休真措大初李石鎮江陵辟為戎倅一旦告去既入京華俄升翰苑造朝凡三歲石未離荆渚崔既秉鈞衡石馳牋賀之曰某早拜光塵叨承眷與深蒙異獎屢接清言幸曾辱於厚恩俯見循於末契去載分麾南楚拜節西秦思賢方詠於嘉魚棲止實慙於威鳳賓筵初啓曾陪樽俎之歡將幕未移已在陶鎔之下先生鄰部喜溢轅門豈唯九土獲安斯亦一方多幸乃掌記李膺之詞也

鉉字台碩相武宗與李德裕不叶罷復相宣宗除揚州大都督府長史封魏國公宣宗於太液亭賦詩宴餞有七載秉鈞調四序之句識者榮之

### 啟光藩

元和九年韋貫之掌文衡光藩襟文黜矣尚書楊漢公乃貫之前榜門生盛言光藩屈貫之為重攸是年登第

撫言謂之  
既落復攸

三月初三日千家與萬家蝶飛秦地草鶯入漢宮花鞍



馬皆爭屢笙歌盡闕奢吾師無所願唯願老煙霞曲水  
公卿宴香塵盡滿街無心脩禊事獨步到禪齋細草繁  
愁目繁花逆旅懷綺羅人走馬遺落鳳皇釵二章已上人  
堯藩登第許渾贈詩云幾載名聞翰墨林為從知己信  
浮沉青山有雪諳松性碧落無雲稱鶴心帶月獨歸蕭  
寺遠翫花頻醉庾樓深尋思一見如瓊樹空把新詩盡  
日吟

堯藩從李翺長沙幕府後以侍御官江南姚合有送堯  
藩歸同州詩

堯藩為永樂令雍陶寄詩云古縣蕭條秋景晚昔時陶

令亦如君

堯藩有憶江南詩三十章皆蘇杭事樂天詩曰江南名  
郡數蘇杭寫在殷家三十章君是旅人猶苦憶我為刺  
史更難忘

堯藩有宮詞云吳宮愛歌舞夜夜醉嬋娟見日吹紅燭  
和塵掃翠鈿徒令勾踐霸不信子胥賢若問長洲草荒  
涼無限年又有館娃宮詩云宮女三千去不回真珠翠  
羽是塵埃夫差舊國久破碎紅燕自歸花自開又有暮  
煙葵葉屋秋月竹枝歌句欲射狼星把弓箭休將螢火  
讀詩書句右張為取作主客圖



堯藩未第時許渾寄詩云直道知難用經年向水濱宅  
從栽竹貴家為買書貧就學多新客登朝盡故人蓬萊  
自有路莫羨武陵春又酬堯藩云相知愧許詢寥落向  
溪濱竹馬兒猶小荆釵嬾慣貧獨愁憂過日多病不如  
人莫怪青袍選長安隱舊春

沈亞之

字下賢登進士第大和初李同捷反詔兩河諸鎮出兵  
久無功乃授栢耆德利行營諸軍計會使亞之以殿中  
侍御史為判官諭旨會李祐平德州同捷窮請降耆乃  
馳入滄誅同捷諸將燬其功比奏譖詆文宗不獲已

耆循州司戶叅軍亞之

尉張祐以詩送云秋風江

上草先是客心摧萬里故人去一行新雁來山高雲緒  
斷浦迥日波頽莫怪南康遠相思不可裁

亞之吳人元和七年下第李賀以詩送云吳興才人怨  
春風桃花滿陌千里紅紫絲竹斷駿馬小家住錢塘東  
復東是也

杜牧之贈詩云斯人清唱何人和草徑苔荒不可尋一  
夕小敷山下夢水如環珮月如襟

亞之村居詩云無樹巢宿鳥無酒共客醉月上蟬韻殘  
梧桐陰繞地獨出村舍門冷劇微風起蕭蕭蘆荻叢



蕭如山鬼應緣我憔悴為此發愁思

五月發石頭城步望前船小弟詩云客子去淮陽蹉跎  
客夢長水關開夜鑿霧棹起晨涼煙月期同賞風波忽  
異行隱帆曾撼榜轉瀨指迤檣蒲菜錢刀綠筠筒楚粽  
香因書報惠遠為我憶檀郎

李商隱擬沈下賢詩云千二百輕鸞春衫瘦着寬倚風  
行稍急含雪語應寒帶火也金斗蕙珠碎玉盤河陽看  
花過曾不問潘安

裴夷直

王質傳云李德裕擢為河東尹宣歙觀察司幕府君河

東裴夷直天水趙楷隴西李行方梁國劉蕡皆一時選  
云

獻蕢書情云白髮添雙鬢空宮又一年音書鴈不到夢  
寐兔空懸地遠星辰別天高雨露偏聖朝知有感雲海  
謾相連

同樂天中秋夜洛河翫月二首詩云清洛半秋懸璧月  
練船當夕泛銀河蒼龍領底珠皆沒白帝心邊鏡乍磨  
海上幾時霜雪積人間此夜管絃多須知天地為鑪意  
盡取黃金鑄作波又云不熱不寒三五夕晴川朗月正  
相臨千珠競沒蒼龍領一鏡高懸白帝心幾處淒涼綠



唐詩紀事卷五十一  
地遠有時惆悵值雲陰何如清洛如清晝共見初升又見沉

李景遜傳云所善蘇滌裴夷直皆為宗閔嗣復所擢故景遜在會昌時抑厭不遷

夷直字禮卿文宗時為右拾遺張克勤以五品官推與其甥夷直時為禮部員外郎劾曰是開後日賣爵之端詔聽遂著于今為中書舍人武宗立視冊牒不肯書出刺杭州斥驩州司戶參軍宣宗初復拜江華等州刺史終散騎常侍夷直戲唐仁烈詩云自知年幾偏為少先把屠蘇不讓春倘更數年逢此日還應惆悵羨他人

楊敬之

禾黍正離離南園翦白芝細腰沉趙女高髻唱蠻姬路愧前崗月旒慚一領絲鄉人不可語獨念畏人知敬之吟

姚合寄楊祭酒云日日新詩出城中寫不禁清光宜對竹開雅勝聞琴門戶饒清景兒童解令吟雲山持管盡莫惜別人尋

敬之字茂孝文宗命為祭酒兼太常少卿是日二子戎載登科時號楊家三喜敬之華山賦最為韓愈李德裕所稱士林一時傳布



霜樹鳥棲夜空街雀報明碧山相倚暮歸鴈一行斜右  
張為取作主客圖

房千里

房千里博士初上第遊嶺徼詩序云有進士韋滂者自  
南海邀趙氏而來為余妾西上京都調于天官乃與趙  
別約中秋為會期趙極悵戀余乃抒詩寄情曰鸞鳳分  
飛海樹秋忍聽鐘鼓越王樓只應霜月明君意緩撫岳  
琴送我愁山遠莫交雙淚盡鴈來空寄八行幽相如若  
返臨邛市畫舸朱軒萬里遊萬里橋房至襄川逢渾侍  
御赴弘農蕃陽之命乃以情意相託許到府邸遣人誌

之趙氏却從韋矣渾寄房詩曰春風白馬紫絲韁正值  
蚕眠未採桑五夜有心隨暮雨百年無節待秋霜重尋  
繡帶朱滕合卻認羅裙碧草長為報西遊減離恨阮郎  
纔去嫁劉郎

千里以罪居廬陵作所居竹室記云予方窮不能奮其  
處于是亦宜矣

千里字鵠舉大和進士也終於高州刺史

馬使君與千里俱貶端州李群玉留別詩云俱來海上  
嘆煙波君佩銀魚我觸羅經國才微耳放蕩專城年少  
豈蹉跎應憐旅夢千重思共愴離心一曲歌唯有管絃



知客意分明吹出感恩多

厲元

元日觀朝云玉座臨新歲朝盈萬國人火連雙闕曉仗  
列五門春瑞雪銷駕瓦祥光在日輪天顏不敢視稱慶  
拜空頻

元大和二年進士終於侍御史有子自南登中和進士  
第

元有從軍行云邊草阜不春劔花增野塵戰場收驥尾  
清瀚怯龍鱗帆色起歸越松聲厭避秦幾時逢范蠡處  
處是通津右張為取作主客圖

姚合題厲侍御所居云幽樓一畝宮青峭似山峯隣里  
不通徑俸錢惟買松野人時寄宿谷鳥自相逢朝路門  
前是誰知曉起慵

喻鳧

元日即事云斂板賀交親稱觴詎有巡年光悲擲舊景  
色喜呈新水柳煙中重山梅雪後真不知將白髮何以  
度青春

贈李商隱云羽翼恣搏扶山河使筆驅月踈吟夜桂龍  
失詠春珠草細盤金勒花繁倒玉壺臆嗟好章句無力  
致前途



浴馬云解鞍復收鞍長津動細漣空蹄沉綠玉闊臆沒  
連錢冰漩橋聲下嘶盤柳影邊常聞稟龍性固與白波  
便

姚合有送喻鳧詩歸毗陵云闕下詩名出鄉中賦籍除  
又曰吾亦家吳者無因見弊廬杜荀鶴寄鳧詩云此時  
行逕無人迹唯望音徽問寂寥

鳧毗陵人開成進士也卒於烏程令

顏獨明鏡覺思苦白雲知句滄洲違釣隱紫閣負僧期  
句酬難塵髮皓坐火壁燈青句滄洲未歸迹華髮受恩  
心句右張為取作主客圖

北夢瑣言云鳧體閻仙為詩嘗謁杜紫微不通乃曰我  
詩無羅綺紅粉宜其不信也

鳧與方干友善干嘗贈詩云知心似古人歲久分彌親  
離別波濤闊留連槐柳新墓陵寒貫酒漁浦夜垂綸自  
此星居後音書豈厭頻

楊衡

孟東野有悼吳興楊衡詩云君生雪水清君死雪水渾  
空有骨肉親哭得日月昏永夜不復曉古松長閉門琴  
絃綠水絕詩句青山存昔為芳春顏今為芳草根獨恨  
冥漠理先儒未嘗言衡與符載崔群隱廬山號山中四



友

衡寄徹公云北風吹霜霜月明荷葉枯盡越水清別來  
幾度龍宮宿雪山童子應相逐

都無看花意偶到樹邊來可憐枝上色一一為愁開題  
花樹

竹亭送姪偁云落葉寒擁壁清霜夜露石正是憶山時  
復送歸山客殷勤一尊酒曉月當窻白

寄廬山隱者云風鳴雲外鐘鶴宿千年松相思杳不見  
月出山重重

哭李象云白雞黃犬不將去寂寞空餘葬時路草死花

開更幾年後人知是何人墓憶君思君獨不眠夜寒月

照青楓樹

邊思云蘇武節旄盡李陵音信稀花當隴上發人向隴

頭歸

仙女辭云玉笄初侍紫皇君金縷鴛鴦滿絳裙山宮一

閉無消息遙結芳心向碧雲

題山寺云千峯白路後雲壁挂殘燈曙色海邊月經聲

松下僧意閑門不閉年去水澄空稽首如何問森羅盡

一乘

送孔周之南海謁王尚書云泛棹送流萍挂寒山更青



唐詩紀事卷五十一  
望雲生碧落者日下滄溟潮盡收珠母沙間拾翠翎自  
趨龍戟下再為頌芳聲

符載

載字厚之蜀人有奇才始與楊衡宋濟習業青城山衡  
擢第濟老死無成唯載以王霸自許耻於常調韋臯鎮  
蜀辟為支使雖日受知尚多偃蹇臯嘗於二十四化設  
醮請撰齋詞于時陪飲於摩訶池載離席盥漱命小吏  
十二人捧硯人分兩題緩步池上載各授口占其敏速  
如此劉關時為金吾曹參軍始依臯載與撰真贊云矯  
矯化初氣傑文雄靈螭出水秋鷲乘風行義則固補仁  
乃通他年良覲麟閣之中及臯卒關揔田務載亦在幕  
中及關敗載遂免禍載居廬山遣三尺童子持數幅書  
乞買山錢百萬於于頔于即與之

柳子厚賀趙江陵宗儒啓云伏聞以武都符載為記室  
天下立志之士襟然相顧繼以嘆息知為善者得其歸  
嚮流言者有所間執直道之所行義風之所揚堂堂焉  
實在荆山之南矣夫以符君之藝術志氣為時聞人才  
位未會盤桓固以中間因緣陷在危邦與時偃仰不廢  
其道而為見忌嫉者橫致唇吻房給事以高節特立明  
之於朝王吏部以清議自任辨之於外然猶小人浮議



困在交戟凡諸侯之欲得符君者城隍壤接而惑於騰  
沸環視相讓莫敢先舉及受署之日則皆開口垂臂悵  
望悼悔譬之採珠於海而徑寸先得則衆皆快然罷去  
知竒寶之有所歸也嗚呼巧言難明下流多謗自非大  
君子出世之氣則何望焉望瞻清風若在天外無任感  
激欣躍之至房式傳云劉闢發兵書牒首曰

崔群送載歸蜀觀省序云旄頭光明垂三十載不習俎

豆化為俠王者十有八九焉由是隱逸憔悴羔鴈不行

蒼山沉沉側陋不顯建中初有峨眉客符君發六籍棹

三湘深入匡廬絕跡半紀學窺顏子之門國文紹陳君

之骨鯁逸慕嚴光之垂釣志數管寧之不欺結廬熙熙

人不知其然也頃予奉命江西三年往復彭蠡未嘗不

詠湖月漱天倪造符君雲扃宿五老君峯下動更晦朔

不理還棹偶丹霄至人白鶴羽客牽靈芝跪天壇相顧

永息乎蓬瀛豈復久縈於塵網賴君超澹愴興舊遊雖

笑語飲食如常終忽忽若居大夢君家在岷蜀展慶高

堂將聖賢典籍充人子幣帛期所以激衰俗扇清風方

伯地君不以厚禮遲吾子予未人信秋九月楚人歌掾

蘭以送之

或云載始隱廬山不為章句學貞元中李巽為江西觀



唐詩紀事卷五十一  
察薦其材授奉禮郎南昌軍副使繼辟西川韋臯掌記  
澤潞都士羨祭謀歷協律郎監察御史卒常以牋叩襄  
陽樊澤曰故處士孟浩然立壠頽沒公欲更築大墓久  
之未遑誠令好事者乘而有之負公夙志矣澤乃為刻  
碑鳳林山南村寵其墓

王彥威

長安舊俗以不歷臺省出領廉車節鎮者率呼為廉官  
大率重內而輕外今東京皇城乾元門舊宣武軍鼓角  
樓也節度使王彥威有詩刻石在其上曰天兵十萬勇  
如貔正是酬恩報國時汴水波瀾喧鼓角隋堤楊柳拂

旌旗前驅紅旆關西將坐間青娥趙國姬寄語長安舊  
冠蓋廉官到底是男兒彥威自大常博士出辟使府至  
茲鎮故有是句後梁氏建國其石不知所在薛能亦有  
謝寄茶詩云廉官寄與真拋却賴有詩情合得嘗洪文  
館舊不置學士文宗特置一員以待彥威為戶部侍郎  
邊兵訴所賜不時繅皆弊惡貶衛尉卿俄為忠武節度  
徙宣武卒

繁知一

樂天除蘇州刺史自峽沿流赴郡時秭歸縣繁知一聞  
居易將過巫山先於神女祠粉壁大書之曰忠州刺史



今才子行到巫山必有詩為報高唐神女道速排雲兩  
候清詞居易觀之悵然邀知一至曰歷陽劉郎中禹錫  
三年理白帝欲作一詩而不能罷郡經過悉去千餘詩  
但留四章而已沈佺期詩曰巫山高不極含沓狀竒新  
閻谷疑風雨幽崖若鬼神月明三峽曙潮滿九江春為  
問陽臺客應知入夢人王無兢詩曰神女向高唐巫山  
下夕陽徘徊作行雨婉孌遂荆王電影江前落雷聲峽  
外長朝雲無處所臺館旣蒼蒼皇甫冉詩曰巫峽見巴  
東迢迢出半空雲藏神女館雨到楚王宮朝暮泉聲落  
寒暄樹色同清猿不可聽偏在九秋中李端詩曰巫山  
十二重皆在碧字中迴合雲藏日霏微雨帶風猿聲寒  
度水樹色暮連空悲向高唐去千秋見楚宮居易吟四  
篇與繁生同濟十不賦詩

楊洵美

答李昌期詩云三山載群仙峨峨鹹浪中雲衣剪不得  
此路安可從我生亦何事出門如飛蓬白日又黃昏所  
悲瑤草空蟲聲故鄉夢枕上未忝風吾道如未喪天運  
何時通

洵美登寶曆元年進士第終監察御史

洵美有暮鷓不鳴禁城樹衙鼓未殘賓衛秋之句洵答



昌期詩張為取竹主客圖

唐詩紀事卷第五十一



